



Jens NapātōK
Inatsisartunut ilaasortaq, Naleraq

**Inuussutissarsiutinut ilinniartinnut ingerlaqqiffiusumillu ilinniartinnut
tunngatillugu § 37 naapertorlugu apeqqummut nr. 123/2026-mut akissuteqaat**

22-07-2026
Suliap normua 2026 - 3567
All. nr. 26661676

Asasara Jens NapātōK'

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutitut Inatsisartut suleriaasiat naapertorlugu saqqummiussannut qujanaq. Apeqqutit tullinnguuttuni akissuteqarfigissavakka.

Apeqqut 1:

Naalakkersuisut paasissutissiissutigisinnaavaat Kalaallit Nunaanni inuussutissarsiornermut ingerlaqqiffiusunillu ilinniakkat qassit ullumikkut kalaallit oqaasii kisimi atorlugit naammassineqarsinnaanersut, tassa qallunaatut atuartitsineq, ilinniagassat, misilitsinnerit imaluunniit suliffimmi sungiusarnermut atatillugu uppersaasat atorineqanngikkaluarlutik?

Akissut:

Maannakkorpiaq Kalaallit Nunaanni ingerlaqqiffiusumik ilinniakkanik danskisut tuluttulluunniit atuinani tamakkiisumik kalaallisut ingerlanneqarsinnaasumik peqanngilaq. Ingerlaqqiffiusumik ilinniakkani atuartitsinerit, atuarsimasassat, misilitsinnerit avataaniilluunniit saqqummiisitsinerit tamakkiisumik ilaannakortumilluunniit danskisut aamma/imaluunniit tuluttut pisarput. Tamanna nunani tamalaani periutsinut naapertuuppoq, ingerlaqqiffiusumik ilinniakkani nunani tamalaani ilisimatuunit atuakkiat, teoriit periutsillu, annertunerusumik tuluttut taamaallaat pissarsiarineqarsinnaasut tunngavigneqartarput, soorluttaaq nunanit tamalaaniit saqqummiisartut atuartitsineri tuluttut ingerlanneqartarput.

Inuussutissarsiutinik ilinniakkanut tunngatillugu ilinniakkat qulit kalaallisut tamakkiisumik ingerlanneqartarput. Ilinniartinni sumiiffinnilu ataasiakkaani ilinniakkat tamarmik ilinniakkatut immikkut ataasiakkaatut naatsorsorneqarneri tunngavigalugit naatsorsorneqarput.

Apeqqut 2:

Naalakkersuisut paasissutissiissutigisinnaavaat ilinniakkat sorliit kalaallisuinnaq oqaasilinnit naammassineqarsinnaanersut?

Akissut:

Ilinniakkat tullinnguuttut kalaallisut ingerlanneqarsinnaapput:

- Campus Kujalleq (CAK): TNI Pinnerasaersuuserisunngorniarneq, Pisiniartitsisunngorniarneq aamma Flex.
- Peqqissaanermik Ilinniarfik (PI): tapersorsortit, peqqinnissakkut sullissisoq aamma peqqissaanermi ikiorti.

- Perorsaanermik Ilinniartik/Socialpædagogisk Seminarium (PI/SPS): Ulluunerani meeqqanik sullissinnermi ikiorti, siunnersuinnermi ikiorti aamma isumaginninnermi ikiorti.
- Kalaallisuuliornermik Ilinniartik: Kalaallisuuliornermik ilinniagaq.

Ilinniartit taakku ataatsimut ilinniakkanik qulinik kalaallisuinnaq ingerlanneqarsinnaasunik neqerooruteqarput.

Oqaatigineqassaarli atuarsimasassani atuakkat amerlasuut sulis danskisoortuummata, fagini arlalinni kalaallisut ilinniartitsissutinik sulis amigaateqartoqarmat. Ilinniartit atuartsineq, ilitersuineq, allattariarsorluni suliasat misilitsinnerillu fagimut isumalluutitigullu periarfissaagaangat kalaallisut aqqissuuttarpat. Ilinniartit taamaallutik kalaallisut atuartsissutinik periarfissaqarnissaq unammilligassaasa annersaraat.

Ilinniartit ilinniakkat sorliit nassuiaammut apeqqummi tunngavigineqartumut naapertuunnersut, tassa nalilersuinerit malillugu ilinniakkat atuartsinnermi, atuarsimasassani, misilitsinnermi suliffimmilluunniit misiliinnermi uppersaatinut tunngasuni danskisut atuarsimasik piumasaqaateqarfimmut tamakkiisumillu kalaallisut ingerlanneqarsinnaasut pillugit namminneq paasissutissiineri tunngavigalugit ilinniakkat taakku qulit naatsorsorneqarput.

Apeqqu 3:

Naalakkarsuut paasissutissiissutiginnaavaat ilinniakkat qassit piviusumik qallunaatut piginnaasaqarnissamik piumasaqarnersut, atuartsineq, ilinniagassat, misilitsinnerit, suliffimmi sungiusarnermi ilitersuinerit imaluunniit allaffissornermi attaveqarneq tamakkiisumik ilaannakortumilluunniit qallunaatut ingerlanneqartarmata?

Akissut:

Ilinniakkat ilinniakkatullu sammiviit katillugit 148-t neqeroortigineqarput, taakku ima agguataarsimapput: inuussutissarsiutinut ilinniakkat 72-it (EUD), GUX-imi ilinniakkat sammiviit 34-t aamma ingerlaqqiffiusumik ilinniakkat 41-t, taakkunanga ilisimatusarfimmit aqqaneq-marluk neqeroortigineqarlutik. Naatsorsukkanut ilaapput ilinniakkat immikkut ittut, tassunga ilanngullugit pilotinngorniarfik, maskinmesterinngorniarfik kiisalu DTU-p Sisimiuni ilinniartit marluk il.il.

GUX-imi ilinniakkat sammivii 34-t tamarmik danskisut piginnaasaqarnissamik piumasaqaateqarput, soorluttaq ingerlaqqiffiusumik ilinniakkat 41-t, assersuutigalugu atuartsinnermi, atuakkani atuartsissutini, misilitsinnermi, suliffimmik misiliinnermi allaffissornikkut attaveqatigiinnermi tamakkiisumik ilaannakortumilluunniit danskisut tuluttullu ingerlanneqartut.

Inuussutissarsiutinut ilinniakkanit 72-init qulit kalaallisut ingerlanneqarsinnaapput. Inuussutissarsiutinut ilinniakkat sinnerini annerusumik minnerusumilluunniit danskisut piginnaasaqarnissaq piumasaqaataavoq. Ilinniartinni sumiiffinnilu ataasiakkaani ilinniakkat tamarmik ilinniakkat immikkut ataasiakkaatut naatsorsorneri tunngavigalugit naatsorsorneqarput. Tassa imaappoq naatsorsuinnermi assersuutigalugu TNI Flex Nuummi Niuernermik ilinniartimmi neqeroortigineqartoq aamma TNI Flex Qaqortumi neqeroortigineqartoq ilinniakkatut immikkut naatsorsorneqarput.

Apeqqu 4:

Naalakkarsuut suliniuteqarnissaminnik pilersaaruteqarpat ilinniakkat tamarmik oqaatsitigut piumasaqaataannik ataatsimut takussutissiamik suliaqarnissamut, taamaallutik inuusuttut, inersimasut ilinniaqqilersulluunniit siumut takusinnaaniassammassuk ilinniakkat sorliit kalaallisuinnaq oqaasilinnut periarfissiissutaasut?

Akissut:

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup 2024-mi ilinniakkat Kalaallit Nunaanni neqeroorutaasut, matumani ilinniakkani ilinnialernissamut akuerisaanissamut oqaatsitigullu piumasaqaatit ilanngullugit ataatsimut misissorpai. Paasissutissat ilinniakkat ataasiakkaat Naalakkersuisoqarfiup ilinniartitaanermut nittartagaani Sullissivik.gl-imi allaaserineqarnerini takuneqarsinnaapput allannguuteqartoqaraangallu ingerlaavartumik nutarterneqartarput.

Ilinniagaqarusuttut ilinniartitaanermut nittartakkami ilinniakkat Kalaallit Nunaanni neqeroorutigineqartut paasiniarsinnaavaat nittartakkallu ilaatigut nunami sumiiffii, aningaasaqarnikkut pissutsit, tassunga ilanngullugit ilinniagaqarnersiutit suliffimmilu misiliisutut akissarsiat, kiisalu tunngaviit allat pingaartitat aallaavigalugit ujarlertaataa atorineqarsinnaalluni.

Naalakkersuisoqarfik § 37 naapertorlugu apeqqummut matumunnga malitseqartitsilluni ilinniartitaanermut nittartakkani atuartsinermi oqaatsinut tunngatillugu ujarlernerimi immikkoortiterissummik pilersitsinissamut periarfissarsiorniarpog, tamanna teknikkut periarfissaappat.

Ilinniartitaanermut nittartagaq tassanilu immikkoortiterissut uani takuneqarsinnaapput: https://www.sullissivik.gl/Emner/Uddannelse/Faa-inspiration?sc_lang=da&segment=citizen

Apeqqu 5:

Ilinniakkat tamarmik oqaatsitigut piumasaqaataannik ataatsimut takussutissiamik suliaqartoqassappat taamatut suliaqarneq qanoq akeqassava? Inuiaqatigiinnut pisortanut namminersortunullu?

Akissut:

Ataatsimut takussutissiorneq immikkut aningaasartuuteqarnermik kinguneqassanngilaq, paasissutissat pisariallit Naalakkersuisoqarfiup ilinniartitaanermut nittartagaaneereermata ingerlaavartumillu ingerlatsinerup ilaatut nutarterneqartuarmata. Taamaattumik ataatsimut takussutissaq paasissutissat pioreersut tunngavigalugit suliarineqarsinnaavoq.

Apeqqu 6:

Ilinniakkat kalaallisuinnaq oqaasilinnit naammassineqarsinnaasut pillugit takussutissiamik suliaqartoqassappat taamatut suliaqarneq qanoq akeqassava? Inuiaqatigiinnut pisortanut namminersortunullu?

Akissut: Apeqqu 5-imut akissutigineqartumut innersuunneqarpoq.

Inussiarnersumik inuulluaqqusillunga



Nivi Olsen